



Broj: 02-25-314/24
Datum: 15.02.2024.godine

NACRT

OPĆINSKO VIJEĆE FOJNICA

Predmet: Nacrt Odluke o saobraćaju na području općine Fojnica

Pravni osnov: Pravni osnov za donošenje ove Odluke je član 24. Statuta Općine Fojnica („Službene novine Općine Fojnica“, broj: 2/15), član 8. i član 13. Zakona o principima lokalne samouprave u Federaciji Bosne i Hercegovina („Službene novine FBiH, broj: 49/06) i član 2. stav 1. Zakona o osnovama sigurnosti saobraćaja na putevima u Bosni i Hercegovini („Službene novine BiH“, broj: 6/06, 75/06, 44/07, 84/09, 48/10, 18/13, 8/17, 89/17 i 9/18), kojim je propisano da nadležni općinski organ unutar svoje nadležnosti donosi propise i poduzima druge potrebne mjere za dosljednu primjenu Zakona o osnovama sigurnosti saobraćaja na putevima u BiH.


Služba: Služba za društvene djelatnosti i stambeno-komunalne poslove

Pomoćnik načelnika: Vahid Bureković

Nadležno radno tijelo OV Fojnica: Komisija za Statut i propise

Datum: 15.02.2024. godine

POMOĆNIK NAČELNIKA


Vahid Bureković



OPĆINSKI NAČELNIK


Sabahudin Klisura, dipl.ing.



NACRT

Na osnovu člana 2. stav 1. Zakona o osnovama sigurnosti saobraćaja na putevima u Bosni i Hercegovini („Službene glasnik BiH“, broj: 6/06, 75/06, 44/07, 84/09, 48/10, 18/13, 8/17, 89/17, 9/18 i 46/23), članova 8. i 13. Zakona o principima lokalne samouprave u Federaciji Bosne i Hercegovina („Službene novine FBiH, broj: 49/06) i člana 24. Statuta Općine Fojnica („Službene novine Općine Fojnica“, broj: 2/15), Općinsko vijeće Fojnica, na sjednici održanoj dana _____ 2024. godine, donosi

ODLUKU o saobraćaju

I – OPĆE ODREDBE

Član 1.

(Predmet Odluke)

Ovom Odlukom uređuje se saobraćaj, propisuju zabrane, ograničenja i obaveze radi sigurnosti saobraćaja i njegovog nesmetanog odvijanja na cestama, ulicama i drugim saobraćajnim površinama na području Općine Fojnica (u daljem tekstu: Općina), koje nisu regulisane Zakonom o osnovama sigurnosti saobraćaja na putevima u Bosni i Hercegovini (u daljem tekstu: Zakon).

II – ODRŽAVANJE JAVNIH CESTA, ULICA I DRUGIH SAOBRAĆAJNIH I JAVNIH POVRŠINA

Član 2.

(Javne ceste)

Javne ceste, ulice i druge saobraćajne i javne površine na području općine Fojnica moraju se održavati u takvom stanju da se na njima može vršiti trajan, neometan i siguran saobraćaj.

Član 3.

(Saobraćajna signalizacija)

Javne ceste, ulice i druge prometne površine na području općine Fojnica moraju se opremiti saobraćajnom signalizacijom u skladu sa odredbama Pravilnika o saobraćajnim znakovima i signalizaciji na cestama, načinu obilježavanja radova i prepreka na cesti i znakovima koje učesnicima u saobraćaju daje ovlaštena osoba, broj: 01-02-2-328-15/07 od 8. februara 2007. godine (Službeni glasnik BiH, 16/07), (u daljem tekstu: Pravilnik).

Član 4.

(Postavljanje i održavanje saobraćajne signalizacije)

Za postavljanje i održavanje horizontalne i vertikalne prometne signalizacije zadužena je Služba za društvene djelatnosti i stambeno-komunalne poslove Općine Fojnica. Postavljanje horizontalne i vertikalne signalizacije će obavljati izabrani ponuđač na osnovu ugovora o povjeravanju poslova u skladu sa odredbama Zakona o javnim nabavkama.

Ovlašteno preduzeće za postavljanje saobraćajne signalizacije dužno je poduzimati sljedeće mjere:

- da se saobraćajni znaci postavljaju u skladu sa odredbama Zakona, Pravilnika i saobraćajnim projektom;
- da se blagovremeno mijenjaju dotrajali i oštećeni saobraćajni znaci;
- da se na nosačima saobraćajnih znakova ne postavljaju bilo kakvi predmeti i dodatne ploče. mimo Zakona i Pravilnika;
- da izvrši uklanjanje bespravno postavljenih reklamnih natpisa i znakova informisanja sa saobraćajnih znakova.

Član 5. (Nadzor)

Nadzor nad stanjem vertikalne i horizontalne saobraćajne signalizacije i provođenjem ove Odluke vrši nadležna služba za stambeno – komunalne poslove u Općini Fojnica, nadležna inspekcija (komunalni redar, komunalni inspektor) i predstavnici Policijske stanice Fojnica. Policijska stanica je dužna obavijestiti nadležna tijela i organizacije o pojavama oštećenja puta, saobraćajnih znakova i drugim nepravilnostima na cestama.

III – BRZINA KRETANJA VOZILA

Član 6. (Prilagodavanje brzine kretanja)

Vozač je dužan brzinu kretanja vozila na lokalnim cestama, gradskim ulicama i nerazvrstanim cestama prilagoditi karakteristikama i stanju ceste, vidljivosti, preglednosti, atmosferskim prilikama, stanju vozila i tereta, gustini saobraćaja, saobraćajnim znakovima i drugim saobraćajnim uslovima, tako da vozilo može blagovremeno zaustaviti pred svakom preprekom koju pod navedenim uslovima može predvidjeti.

Član 7. (Ograničavanje brzine kretanja vozila)

- Brzina kretanja vozila se ograničava do 50 km/h u ulici Bosanska, od raskršća sa ulicom Bakovički put do ulice Novo Naselje.
- Brzina kretanja vozila se ograničava do 40 km/h od ulice Novo Naselje do objekta „1001 noć“.
- Brzina kretanja vozila se ograničava do 30 km/h u zoni postavljenih umjetnih izbočina u ulicama Mehmeda Spahe, Novo naselje, Gornja Mahala, Kulina Bana, Kraljice Katarine i Husni ef. Numanagića.
- Brzina kretanja vozila se ograničava do 30 km/h u ulici Banjska i ZAVNOBIH-a.

Sve ostale ulice po planu regulisanja saobraćaja na području grada se ograničavaju na brzinu motornih vozila od 40 km/h.

IV – PRVENSTVO PROLAZA

Član 8.

(Dvosmjerne ulice)

Ulice Bosanska, Mehmeda Spahe, Husni ef. Numanagića od ulice Mehmeda Spahe do ulice Pazarnice, ZAVNOBiH-a, Bježanijska, Gornja Mahala, Muhameda Sudžuke, Hadrovići od raskrsnice sa ulicom Fra Anđela Zvizdovića do ulice Konak, Fra Anđela Zvizdovića, Ivana Meštovića, Nikole Lašvanina, Prokoški put, Luke, Dragača, Šćona, Ada, Zmaja od Bosne, Poroj, Šejh Huseina Zukića, Muslinovac, Zije Dizdarevića, Šakira Sikirića, Banjska, Šetalište, Džemala Bijedića, Žrtava rata, Kulina Bana, Stanična, Kraljice Katarine, Šavnička, Kozogradska, Fra Augustina Miletića, Šavnički put put, (Nova ulica bez naziva kroz bivšu pilanu) su dvosmjerne.

Član 9.

(Jednosmjerne ulice)

1. Ulica Fra Ivana Frane Jukića od raskrsnice sa ulicom Bosanska do raskrsnice sa ulicom Fra Anđela Zvizdovića
2. Ulica Trogrančića od raskrsnice sa ulicom Bosanska do raskrsnice sa ulicom Fra Anđela Zvizdovića
3. Ulica Bolnička od raskrsnice sa ulicom Bosanska do raskrsnice sa ulicom ZAVNOBiH-a
4. Ulica Omladinska od raskrsnice sa ulicom Mehmeda Spahe do raskrsnice sa ulicom Bolnička (ili da bude slijepa ulica iz ulice Bolnička)
5. Ulica Varoška od raskrsnice sa ulicom Bosanska do raskrsnice sa ulicom Hadrovići
6. Ulica Dana Nezavisnosti, od raskrsnice sa ulicom Mehmeda Spahe do raskrsnice sa ulicom Akademika Džemala Rezakovića (slijepa ulica)
7. Ulica Alaupovića od raskrsnice Bosanska do raskrsnice sa ulicom Dana nezavisnosti
8. Ulica Akademika Džemala Rezakovića
9. Ulica Kralja Tvrtka od raskrsnice sa ulicom Bosanska do raskrsnice sa ulicom Hadrovići
10. Ulica Husni ef. Numanagića od raskrsnice sa ulicom Pazarnica do ulice Bosanska,
11. Ulica Hadrovići od raskrsnice sa ulicom Konak do ulice Muhameda Sudžuke,
12. Ulica Medresa od raskrsnice sa ulicom Bosanska do raskrsnice sa ulicom Hadrovići
13. Ulica Tekija od raskrsnice sa ulicom Bosanska do raskrsnice sa ulicom Husni ef. Numanagića
14. Ulica Atik Mahala od raskrsnice sa ulicom Bosanska do raskrsnice sa ulicom Hadrovići
15. Ulica Konak od raskrsnice sa ulicom Bosanska do raskrsnice sa ulicom Hadrovići
16. Pazarnice od raskrsnice Husni ef. Numanagića do raskrsnice sa ulicom Prokoški put
17. Sokačić slijepa ulica do kuće Kemal Klisura
18. Ruždija od raskrsnice Husni ef. Numanagića do raskrsnice sa ulicom Bosanska
19. Zahrastin do raskrsnice sa ulicom Husni ef. Numanagića
20. Ulica Alije Isakovića od raskrsnice sa ulicom Gornja Mahala do raskrsnice sa ulicom Prokoški put
21. Dio ulice Trokut na ulazu u benzinsku pumpu „Bucomerc“ sa regionalnog puta R-438 i ide do kuće Jurkić Nade,
22. Ulica Novo Naselje od raskrsnice sa ulicom Kulina Bana do ulice Bosanska.

V – OGRANIČENJA SAOBRAĆAJA

Član 10. (Zabrana zaustavljanja i parkiranja)

Zabranjuje se zaustavljanje i parkiranje u sljedećim ulicama:

- Ulica Bosanska od raskrsnice sa ulicom Novo Naselje do objekta „1001 noć“;
- Ulica Mehmeda Spahe;
- Ulica Džemala Bijedića;
- Ulica ZAVNOBiH-a, od ulice Bolnička do ulice Bosanska;
- Ulica Husni ef. Numanagića;
- Ulica Gornja Mahala;
- Ulica Muhameda Sudžuke;
- Ulica Žrtava rata;
- Ulica Kraljice Katarine;
- Ulica Ivana Meštrovića;
- Ulica Šejh Huseina Zukića;
- Ulica Nikole Lašvanina;
- Nova ulica bez naziva kroz bivšu pilanu;
- Ulica Dragača lokacija kod Vatrogasnog doma osim za potrebe Vatrogasnog društva Fojnica

Zabranjuje se zaustavljanje i parkiranje u ulici Kulina Bana, osim srijedom u vremenu od 08,00 do 14,00 sati u trajanju od 15 minuta, u dužini od 35 metara, ove ulice, na tačno označenim mjestima, počev od zelenih otoka kod Novog Naselja do kuće Hurem Samira.

Zabranjuje se parkiranje i zaustavljanje motornih vozila na sljedećim mjestima:

- Kolovozu ulice ili ceste sa dvosmjernim saobraćajem, osim ako to nije drugačije određeno saobraćajnim znakom.
- Ispred kolskog ulaza u dvorište ili garažu, ako ne postoji izgrađen alternativni pristup,
- Ispred pješačkog ulaza u zgrade, dvorišta, izloga i reklama, ako pristup pješaka istim nije obezbijeđen na drugi adekvatan način,
- Na trotoarima, pješačkim stazama i pješačkim prelazima,
- Na prostoru autobusne stanice ili obilježenog autobusnog stajališta izuzev autobusa,
- Na zelenim javnim površinama,
- Na obilježenim taksi stajalištima,
- Na parking mjestu označenom za parkiranje vozila invalida,
- Na rezervisanim parking mjestima, osim s rezervacijom.

Član (11) (Dostavna vozila)

Zabrana zaustavljanja iz prethodnog člana ne odnosi se na dostavna vozila.

Zaustavljanje istih dozvoljeno je na mjestima na kojima se ne ugrožava sigurnost saobraćaja ili ometa normalno odvijanje saobraćaja i za koje je zaustavljanje i parkiranje bilo neophodno. Zaustavljanje istih ograničava se do 15 minuta (petnaest).

Član 12.
(Zabrana saobraćaja)

Zabranjuje se saobraćaj za sva motorna vozila ulicom Šetalište od ulaza u Lječilište „Reumal“ Fojnica do ulaza u bivšu fabriku „Sport-Form“ d.d.
Izuzetno, od prethodnog stava ovog člana nadležna Općinska služba može odobriti saobraćaj u pješačkoj zoni za vozila u izuzetno opravdanim slučajevima.

Član 13.
(Javna i ostala parkirališta)

Parkirališta mogu biti javna i ostala parkirališta. Javna parkirališta su uređene javne površine namijenjene i saobraćajnom signalizacijom označene isključivo za parkiranje i zaustavljanje motornih vozila, a mogu biti uređena za parkiranje vozila na ulici i van ulice. Ostala parkirališta su označene površine za parkiranje i zaustavljanje vozila u krugu javnih ustanova, javnih preduzeća, poslovnih objekata.

Na javnim parkiralištima može se uvesti naplata za parkiranje motornih vozila. Visina naknade, način upravljanja, održavanja i korištenja, način dodjele javnih parkirališta na upravljanje propisat će se posebnom odlukom koju donosi Općinsko vijeće.

Zabranjeno je parkiranje vozila na zelenim površinama, na površinama prilaza stambenih zgrada ili ulaza i izlaza iz svih objekata, ako se time ometa normalno kretanje pješaka.

Član 14.
(Parkiranje vozila)

Parkiranje vozila dozvoljeno je:

1. Parking uz ulicu Mehmeda Spahe – neposredno pored administrativne zgrade Općine Fojnica za službena vozila Općine Fojnica i Elektroprivrede BiH (7. mjesta)
2. Parking uz ulicu Mehmeda Spahe – neposredno pored UniCredit banke (6 mjesta za taksi vozila-taksi štand i 1 mjesto za invalide)
3. Parking u ulici Omladinska
4. Parking – u ulici ZAVNOBiH-a uz Dom zdravlja Fojnica (5 mjesta za taksi vozila – taksi štand)
5. Parking –u ulici ZAVNOBiH-a kod Dječijeg Vrtića (1 mjesto za invalide)
6. Parking ulica Husni ef. Numanagića – preko puta OŠ Muhsin Rizvić Fojnica
7. Parking ulica Bosanska – prostor ispred Robne kuće
8. Parking u ulici Atik Mahala iz pravca ulice Bosanska sa lijeve strane;
9. Parking u ulici Tekija iz pravca ulice Bosanska sa desne strane;
10. Parking ulica Banjska od raskrsnice sa ulicom Šetalište sa lijeve strane; (parking Reumala)
11. Parking od raskrsnice sa ulicom Lučice do ulaza u Novu bolnicu sa desne strane; (za goste Reumala)
12. Parking u ulici Dana nezavisnosti iz pravca ulice Mehmeda Spahe sa lijeve strane
13. Parking ulici Fra Andela Zvizdovića
14. Parking u sklopu pijace/tržnice (osim srijedom)

Član 15.

(Ostavljanje neispravnih vozila)

Na mjestima gdje je dozvoljeno parkiranje vozila zabranjeno je ostavljati neispravno vozilo duže od 24 sata.

Ako predstavnik policijske stanice na prostoru namijenjenom za promet i parkiranje vozila zatekne ostavljeno neispravno ili havarisano vozilo, odredit će da se takvo vozilo ukloni o trošku njegovog vlasnika.

Ako je vlasnik, odnosno korisnik nepoznat ili je vozilo bez registracijskih tablica, isto će se ukloniti na teret budžeta Općine Fojnica.

Član 16.

(Parkiranje vozila pravnih i fizičkih lica)

Parkiranje svih vozila pravnih i fizičkih osoba obavezno je u krugu tih subjekata čime se isključuje parkiranje istih vozila na saobraćajnim i drugim površinama u gradu.

VI – AUTOBUSKA STANICA I STAJALIŠTA

Član 17.

(Autobuska stanica i stajalište)

U gradskom području općine Fojnica autobuska stanica je locirana na platou između ulica Novo Naselje i Stanična.

U gradskom području općine Fojnica postoji autobusko stajalište uređeno u oba pravca, u ulici Bosanska, na raskrsnici Alaupovka.

Član 18.

(Taksi stajališta)

Na području općine Fojnica postoje 3 (tri) taksi stajališta.

1. taksi stajalište na prostoru pored autobuske stanice u ulici Stanična; (10 mjesta)
2. taksi stajalište kod Doma zdravlja u ulici ZAVNOBiH-a; (5 mjesta)
3. taksi stajalište preko puta cafe Aiss ulici Mehmeda Spahe (6 mjesta)

VII – KRETANJE PJEŠAKA, ZAPREŽNIH KOLA I STOKE

Član 19.

(Izmijenjeni režim saobraćaja)

Pješaci se mogu kretati po izmijenjenom režimu saobraćaja u skladu sa odredbama Zakona, u sljedećim slučajevima:

- za vrijeme pijačnog dana (srijeda);
- za vrijeme tradicionalnog blagdana „Duhovi“;
- za vrijeme dženaza/posmrtnih povorki;
- za vrijeme vjerskih praznika/blagdana;
- za vrijeme kulturnih, sportskih i sličnih manifestacija u kojima se okuplja veći broj građana;

Član 20.
(Pješački prelazi)

U gradskom području općine Fojnica, pješački prelazi se nalaze:

- na raskrsnici Alaupovka;
- u ulici Bosanska kod autobuske stanice;
- u ulici Bosanska kod raskrsnice sa ulicom Šavnička;
- u ulici Bosanska kod raskrsnice sa ulicom Novo Naselje;
- u ulici Stanična kod raskrsnice sa ulicom Žrtava rata
- raskrsnica ulica Bosanska – ZAVNOBiH-a – Džemala Bijedića;
- raskrsnica ulica Bosanska – Mehmeda Spahe – Fra Anđela Zvizdovića;
- u ulici Bosanska kod gradske Šaban Ahmed ef. džamije
- raskrsnica ulica Bosanska – Husni ef. Numanagića – Muhameda Sudžuke;
- raskrsnica ulica Mehmeda Spahe i Husni ef. Numanagića;
- raskrsnica ulica Husni ef. Numanagića – Zija Dizdarević – Muslinovac;
- raskrsnica ulica Bosanska i Tekija;
- raskrsnica ulica Banjska kod „Reumala“;
- Raskrsnica ulica Banjska kod objekta „Banja“.

Član 21.
(Saobraćaj zaprežnih kola i kretanje stoke)

Saobraćaj zaprežnih kola i kretanje stoke na gradskom području općine Fojnica odvija se sljedećim ulicama: Kraljice Katarine – Džemala Bijedića (do ulice Rupnovac) – Rupnovac – Fra Anđela Zvizdovića (do ulice Hadrovići) – Hadrovići – Muhameda Sudžuke – Prokoški put – Gornja Mahala – Bježanijska – Zahrastin (do ulice Šejh Huseina Zukića) – Šejh Huseina Zukića – Zmaja od Bosne – Poroj.

VIII – POSEBNE MJERE ZA SIGURNOST SAOBRAĆAJA

Član 22.
(Čišćenje i pranje motornih vozila)

Čišćenje, pranje, popravka motornih vozila, bacanje metalnih, plastičnih i gumenih ostataka od sklopova vozila zabranjuje se na svim javnim površinama na području općine Fojnica. Površine na kojima se odvija saobraćaj mogu se koristiti i za druge potrebe samo u izuzetnim slučajevima i uz prethodno pribavljeno odobrenje koje izdaje Služba za društvene djelatnosti i stambeno-komunalne poslove Općine Fojnica.

Član 23.
(Prekopavanja i prokopavanje javnih cesta)

Prekopavanje i prokopavanje javnih cesta i ulica može se vršiti samo na osnovu prethodno pribavljenog odobrenja od strane Službe za društvene djelatnosti i stambeno-komunalne poslove Općine Fojnica.

Ukoliko se dio kolovoza ili trotoara ne može koristiti zbog privremene opasnosti koja postoji od objekta (popravka krova, skidanje snijega, postavljanje fasade i slično), vlasnik odnosno korisnik objekta ili izvođač radova dužan je na trotoaru ili kolovozu na oba kraja postaviti branike sa odgovarajućim saobraćajnim znacima.

Član 24.

(Svjetlosne reklame i reklamne ploče)

Svjetlo istaknuto na vanjskim dijelovima zgrade (svjetlosne reklame raznih boja) i reklamne ploče koje su postavljene mimo gabarita, a okrenute prema kolovozu koje smanjuju preglednost učesnika u saobraćaju, moraju biti na odgovarajući način prigušene ili postavljene tako da ne dovode u zabunu učesnike u saobraćaju ili da ih zasljepljuju.

Član 25.

(Garage, dvorišta i gradilišta)

Izlaz, odnosno ulaz u garage, dvorišta ili gradilišta koja se nalaze neposredno uz trotoare, pješačke staze ili kolovoze moraju biti vidno obilježeni.

IX – PRELAZNE I ZAVRŠNE ODREDBE

Član 26.

(Nadzor nad provođenjem Odluke)

Nadzor nad provođenjem ove Odluke vrši Policijska stanica Fojnica, Služba za društvene djelatnosti i stambeno-komunalne poslove Općine Fojnica i nadležna općinska inspekcija.

Član 27.

(Prestanak važenja drugih propisa)

Danom stupanja na snagu ove Odluke prestaju da važe raniji propisi kojima se reguliše obavljanje taksi prevoza na području Općine Fojnica, i to: Odluka o prometu, broj: 01-05-185-3/10 od 25.02.2010. godine, Odluka o izmjeni i dopuni Odluke o saobraćaju, broj: 01-05-903-4/17 od 29.06.2017. godine, Odluka o izmjenama i dopunama Odluke o saobraćaju, broj: 01-05-1543-5/17 od 16.11.2017. godine, Odluka o izmjenama i dopunama Odluke o saobraćaju, broj: 01-05-113-3/19 od 07.02.2019. godine, Odluka o dopuni Odluke o saobraćaju, broj: 01-04-663-5/21 od 17.06.2021. godine i Odluku o izmjeni i dopuni Odluke o saobraćaju, broj: 01-04-746-6/22 od 06.05.2022. godine.

Član 28.

(Stupanje na snagu)

Ova Odluka stupa na snagu danom objavljivanja u „Službenim novinama Općine Fojnica“.

Broj: 01- _____/24

Fojnica, _____ 24

**PREDSJEDNICA
OPĆINSKOG VIJEĆA FOJNICA**

Vanja Oroz Jukić, dipl. log. i surd.

OBRAZLOŽENJE uz Odluku o saobraćaju

PRAVNI OSNOV

Pravni osnov za donošenje ove Odluke je član 24. Statuta Općine Fojnica („Službene novine Općine Fojnica“, broj: 2/15), član 8. i član 13. Zakona o principima lokalne samouprave u Federaciji Bosne i Hercegovina („Službene novine FBiH, broj: 49/06) i član 2. stav 1. Zakona o osnovama sigurnosti saobraćaja na putevima u Bosni i Hercegovini („Službene novine BiH“, broj: 6/06, 75/06, 44/07, 84/09, 48/10, 18/13, 8/17, 89/17 i 9/18), kojim je propisano da nadležni općinski organ unutar svoje nadležnosti donosi propise i poduzima druge potrebne mjere za dosljednu primjenu Zakona o osnovama sigurnosti saobraćaja na putevima u BiH.

RAZLOZI DONOŠENJA

Odlukom o prometu broj: 01-05-185-3/10 od 25.02.2010. godine je uređen saobraćaj, propisane su zabrane i ograničenja i obaveze radi sigurnosti saobraćaja i njegovog neometanog odvijanja na cestama, ulicama i drugim prometnim površinama na području općine Fojnica. Navedena Odluka je mijenjana i dopunjavana: Odlukom o izmjeni i dopuni Odluke o saobraćaju broj: 01-05-903-4/17 od 29.06.2017. godine, Odlukom o izmjenama i dopunama Odluke o saobraćaju broj: 01-05-1543-5/17 od 16.11.2017. godine, Odlukom o izmjenama i dopunama Odluke o saobraćaju broj: 01-05-113-3/19 od 07.02.2019. godine, Odlukom o dopuni Odluke o saobraćaju broj: 01-04-663-5/21 od 17.06.2021. godine i Odlukom o izmjeni i dopuni Odluke o saobraćaju, broj: 01-04-746-6/22 od 06.05.2022. godine.

Zakonom o osnovama sigurnosti saobraćaja na putevima u Bosni i Hercegovini, definisano je da općine donose propise kojima se bliže definiše i uređuje ova oblast.

Obzirom da je od donošenja posljednje odluke kojom je regulisana ova oblast došlo do velikog broja promjenama (što je jasno iz činjenice da je Odluka o prometu iz 2010. godine mijenjana već pet puta), kao i uzimajući u obzir sve veći broj primjedbi i sugestija upućenih od strane Općinskog vijeća, Policijske stanice Fojnica, kao i samih građana po pitanju regulisanja saobraćaja, cijenimo da postoji potreba za donošenjem nove odluke kojom će se ova oblast kvalitetno definisati i urediti.

Obzirom da se radi o nacrtu Odluke, nakon razmatranja nacrta od strane Općinskog vijeća po istoj će biti organizovana i provedena javna rasprava.

Predlagač i Obradivač su potpuno otvoreni za sve sugestije i primjedbe, kako bi na kraju zajednički došli do što kvalitetnijeg materijala.